

欽定四庫全書

普濟方卷一百六十三 明 周王朱橚 撰

喘門

總論

夫五臟皆有上氣喘咳但肺為五臟華蓋百脉取氣于肺喘既動氣故以肺為主病者右手寸口氣口以前脉陰實者手太陰經肺實也肺必脹上氣喘逆咽中塞如欲嘔狀自汗皆肺實證若氣口以前脉虛者必咽乾無

欽定四庫全書

普濟方

津少氣不足以息此乃肺虛氣乏也 夫諸氣者皆屬于肺諸喘者亦屬于肺是以人之一呼一吸謂之息呼吸之間脾受其氣通乎榮衛合乎陰陽周流一身無過不及然後權衡得其平矣將理失宜六淫所傷七情所感或因墜墮驚恐渡水失跌仆飽食過傷動作用力遂使臟氣不和榮衛失其常度不隨陰陽出入以成息促迫于肺不得宣通而為喘也診其脉滑手足溫者生脉瀋四肢寒者死數者亦死謂其形損故也亦有痰停胃



腕痰與氣搏肺道壅塞亦令上氣夫有肺虛挾寒而喘者有肺實挾熱而喘者有水氣乘肺而喘者有驚憂氣鬱肺脹而喘者又有胃絡不和喘出于陽明之氣逆真元耗損喘生于腎氣之上奔如是等類皆當審證而主治之肺虛肺寒必有氣乏表怯冷痰如冰之證法當溫補如官桂阿膠之類是也肺實肺熱必有壅盛胸滿外開上炎之狀法當用清利如桑白皮葶藶之類是也水氣者漉漉有聲怔忡浮腫與之逐水利小便如小半夏

欽定四庫全書

普濟方

茯苓湯五苓散葦葶憂者惕惕悶悶引息鼻張與之寬中下氣如四七湯桔梗枳殼湯葦陽明之氣下行令逆而上行古人以通利為利如分氣紫蘇飲指迷七氣湯加半夏二陳湯加縮砂施之為當真陽虛憊腎氣不得歸元固有以金石鎮墜助陽接真而愈者然亦不可峻驟且先與安腎丸八味丸葦否則人參煎湯下養正丹主之雄黃麻黃馬兜鈴漢防己雞內金諸品非不主喘也如前治法大要究其受病之源至若傷寒發喘表汗



裏下脚氣喘滿疏導收功此則但療本病其喘自安然
喘有利下而愈者亦有因瀉而殂者喘有數年沉痾而
復瘳者亦有忽因他疾大喘而不救者汗出髮潤喘者
為肺絕身汗如油喘者為命絕直視譫語喘滿者不治
諸有篤疾正氣欲絕之時邪氣盛行多壅逆而為喘然
則喘之危惡又安可以尋常目之 婦人產後喘急為
病尤亟因產所下過多榮血暴竭衛氣無所生獨聚于
肺故令喘急謂之孤陽難治治法當推所感詳虛實冷

欽定四庫全書

普濟方

熱治之縱是得愈必年年遇此時必發喘急者有之千
金云治肺熱悶不止胸中喘急客熱往來欲死不堪服
藥此可以治胸中喘用桃皮芫花各一升二物以水四
升煮取一升半去滓以布蘸汁薄胸中再蘸再薄即効
凡上喘中滿酸心腹脹時作聲痞氣上下不能宣暢
叔和云氣壅三焦不得昌也可用獨聖散吐之次用導
水禹功散輕瀉三五行使上下無礙氣血宣通並無壅
滯後復平胃散五苓散益元甘露散分陰陽利水道之



藥則愈矣

喘

方

團參丸

出簡
易方

治五臟相乘榮衛失度不能隨陰陽出

入以成呼吸故氣經于臟不能受納諸氣促迫上併

于肺壅管溢而氣爭則喘

桑白皮

剉炒

團參

各三兩

人參

白朮

杏仁

去皮
尖炒

麥

門冬

去心

桂心

陳皮

訶子

炮去核

附子

炮去皮臍

大腹

欽定四庫全書

普濟方

皮

剉炒

檳榔

剉炒

芫花

炒

澤瀉

枳實

炒

吳茱萸

半

夏

各半兩

夏

右為末薑汁糊為丸如梧桐子大每服二十九丸食前

米飲下未効漸加至三十丸

紫蘇子湯

出危
氏方

治憂思過度邪傷脾肺心腹膨脹喘

促煩悶腸鳴氣走漉漉有聲大小便不利脉虛緊而

濇

紫蘇

一兩

用紫蘇

子一方

大腹皮

草果仁

半夏

湯浸洗
七次



<p>白朮 枳實<small>去穢炒</small> 人參 甘草<small>炙各半兩</small> 厚朴<small>去皮薑汁製</small></p> <p>木香<small>不見火</small> 陳皮 木通</p> <p>右剉散每服四錢水一盞薑三片棗二枚煎至七分服不拘時</p> <p>杏參飲<small>出濟生方</small> 治因墜墮驚恐渡水跌仆疲極筋力喘急不安</p>	<p>人參 桑白皮 橘紅 大腹皮 檳榔 白朮</p> <p>訶子<small>麪裹煨取肉</small> 半夏<small>湯泡七次</small> 桂心<small>不見火</small> 杏仁<small>去皮尖炒</small> 紫菀</p>	<p>欽定四庫全書 普濟方</p> <p>洗甘草<small>炙</small></p>	<p>右等分咬咀每服四錢水一盞半生薑五片入紫蘇葉七葉煎至七分去滓溫服不拘時候</p>	<p>玉華散<small>出直指方</small> 治咳嗽上喘調順肺經清利咽膈安和神氣</p>	<p>甜葶藶<small>焙香</small> 桑白皮<small>炒</small> 天門冬<small>去心</small> 馬兜鈴 半夏<small>製</small></p>	<p>紫菀 杏仁<small>去皮尖</small> 貝母<small>炮</small> 百合 人參<small>各半兩</small> 百部</p>	<p>甘草<small>炙各一分</small></p>
---	--	--	--	---	---	--	------------------------------



右剉散每服二錢半薑四片大棗三枚服一方無生薑煎	神祕湯 <small>指出方</small> 治水氣作喘	陳皮 北梗 紫蘇 人參 五味子 檳榔	桑白皮 <small>炒</small> 半夏 <small>製</small> 甘草 <small>炙各等分</small>	雄黃丸 <small>指出方</small> 治喘	雄黃 <small>研</small> 白礬 <small>煨</small> 木香 生苧藤 <small>各一分</small> 馬兜鈴 <small>去殼雞</small>	內金 淡豆豉 <small>各三錢半</small> 信砒 <small>絳芒營者研生用一錢半</small>	欽定四庫全書 普濟方	右各取實分數並細末研米漿煑糊為丸如胡椒大每服五丸清茶稍冷臨卧送下至七丸次日飲食勿用熱菜豆生嚼解砒霜毒	加減瀉白散 <small>出拔萃方</small> 治陰氣在下陽氣在上咳嗽喘促	桑白皮 <small>兩一</small> 甘草 <small>錢五</small> 陳皮 五味子 人參 <small>各五錢</small> 地	骨皮 <small>錢七</small> 青皮 <small>錢二</small> 白茯苓 <small>錢一</small>	右咬咀每服四錢水一盞半入粳米十粒煎至一盞去滓食後服之
------------------------	------------------------------	--------------------	---	---------------------------	--	---	---------------	--	---	---	---	----------------------------



子 兩各一	乾薑 兩炮半 甘草 兩炙半 陳皮 三分去白 茯苓 五味	中姊發喘嗽諸藥皆不瘥得此三服遂愈	五味子湯 選百一方 治肺虛寒理喘下氣去痰飲務觀郎	甚加馬兜鈴	右麤末每服二錢半蘇三葉煎服肺虛加炒阿膠喘	生乾薑 炙 辣桂 兩各半	北五味子 杏仁 橘紅 兩各一 麻黃 兩去節一 甘草	欽定四庫全書 普濟方	五味子湯 指出直方 治寒熱喘	溫水亦可服後莫可服甘草藥及熱水	右為末米糊為丸粟米大每服三七丸清茶送下或	牽牛 去頭尾 三兩炒 白芥子 兩炒二	大戟 芫花 甘遂 甜葶藶 巴豆 各一兩 去殼 黑	服之得利則効	加味控涎丸 出危氏方 治風熱上壅或中脘停留水飲喘	急及四肢浮腫脚氣入腹平常腹中痰熱諸氣結聚
----------	--	------------------	--------------------------------	-------	----------------------	-----------------------	---	---------------	----------------------	-----------------	----------------------	--------------------------------	---	--------	--------------------------------	----------------------



雄黃 <small>研</small> 雌黃 <small>研</small> 一錢 山梔 <small>七枚</small> 棗豆 <small>九粒</small> 信砒 <small>許少</small>	秘方黃丸子 <small>出簡易方</small> 治消痰定喘	時非此不能治	減麻黃一兩無不効者昔日高申之每苦喘疾發甚	不拘時如喘甚加藥末入馬兜鈴桑白皮同煎夏月	右為麤末水一盞半藥末二錢煎七分去滓通口服	北五味子 <small>重二兩</small>	橘皮 <small>三兩</small> 去白 甘草 <small>一兩</small> 炙 麻黃 <small>四兩</small> 去根節 杏仁 <small>二兩</small> 炒 去皮尖 真	欽定四庫全書 普濟方	五味子湯 <small>出百一選方</small> 治寒喘	空心服之	右為麤散每服四錢水三盞棗三個煎至六分去滓	錢二 大棗	麥門冬 <small>去心一兩</small> 一錢 半夏 <small>製六錢</small> 人參 <small>一分</small> 甘草 <small>一分</small> 粳米	麥門冬湯 <small>出三因方</small> 治嘔逆上氣喘急咽喉不利止逆下氣	右判為散每服五錢水一大盞煎至六分熱服
---	---------------------------------	--------	----------------------	----------------------	----------------------	-------------------------	--	------------	-------------------------------	------	----------------------	-------	---	--	--------------------



杏參散 <small>一名杏參湯 出和劑方</small> 治上氣喘滿咳嗽倚息不能卧	正丹黑錫丹 右各濃礬水和作七分盞煎三五沸稍溫服或下養	四磨湯 <small>出濟生方</small> 治七情傷感上氣喘息妨氣不食 人參 檳榔 沉香 天台烏藥	丸 右為細末煮糊為丸如菘豆大磨刀水下一丸至三	欽定四庫全書 普濟方 黑豆 <small>生</small> 巴豆 <small>生</small> 皂角 <small>去油</small> 各一錢 <small>灸去黑皮</small>	八寶丹 <small>出朱氏集驗方</small> 治痰實發喘 雄黃 雌黃 朱砂 信砒 <small>並生用</small> 白礬 <small>飛過</small> 菘豆粉	右為末每服二錢糯米飲空心下	參分一	阿膠 <small>三兩三分炒</small> 雞胗 <small>一兩半</small> 白仙茆 <small>半兩米泔浸三宿晒乾炒團</small>	神秘散 <small>一名神秘湯 出三因方</small> 治定喘嗽補心腎下氣	臨卧之時送下 右為末麪糊和為丸菘豆大每服兩丸生薄荷清茶
--	-------------------------------	--	---------------------------	---	--	---------------	-----	--	---	--------------------------------



除痰下氣胸脇脹滿神思昏憤並宜服之	
杏仁	桃仁 <small>並麩炒 去皮尖</small> 桑白皮 <small>蜜炙三度 泔浸一宿 控乾各一兩</small> 一人
參	一兩
右為末每服二錢水一盞薑三片棗一箇煎至七分	
服不拘時	
五靈丸	<small>出直 指方</small> 治肺喘久不愈漸成息賁
木香	<small>半兩</small> 馬兜鈴 <small>去殼 炒</small> 葶藶 <small>微炒各 一分</small> 川五靈 <small>二兩 半</small>
右為細末煉蜜為丸如梧桐子大每服二十九杏仁	
欽定四庫全書	
普濟方	
二枚搥碎薑三片煎湯下一方棗肉為丸	
人參丸 治喘	
人參	<small>二錢 半</small> 苦葶藶 <small>炒五 兩</small> 南星 <small>三錢</small> 半夏 <small>三兩</small>
右為細末生薑自然汁麪糊為丸如黍米大每服五	
十九薑送下漸加亦可小兒減數服之	
坎離湯	<small>出朱氏 集驗方</small> 專定喘
葶藶	石菖蒲 <small>各半 錢</small> 白朮 茯苓 杏仁 <small>各一 錢</small>
甘草	半夏 <small>泡七 次</small> 紫蘇子 <small>各二 錢</small>



右為末水一盞半煎不用薑

二黃丸 出濟生方 治停痰在胃喘息不通呼吸欲絕

雌黃 雄黃 各一錢

右研末羅極細鎔黃蠟為丸如彈子大每服一九半

夜時候熱煮糯米粥乘熱以藥投在粥內攪轉和粥

喫之

棗杏丸 出朱氏集驗方 治喘

大棗 五十箇去核 葶藶 黃者二兩微炒 杏仁 三兩去皮尖

欽定四庫全書

普濟方

右搗細末取棗肉研成膏為丸如梧桐子大每服三

十九丸桑白皮湯下當令人大便鴨澹不妨

杏參散 出仁存方 治喘氣息

桃仁 杏仁 並去皮尖炒 人參 知母 貝母 桑白

皮 米泔浸蜜炙三度

右等分為末每服二錢水一盞薑三片棗一枚煎七

分食後服

菖蒲煎 治肺中風喘鳴肩息



人參	草麻葉	霜桑葉	訶子肉	鍾乳粉
<small>兩各半</small>	<small>兩各半</small>	<small>兩各半</small>	<small>兩半</small>	<small>兩半</small>
玉蟬散	治氣發喘坐卧不得			
<small>出仁存方</small>				
桑白皮	方有白茯苓木香各二錢指迷方以五味子湯加去			
橘皮	右呶咀以水三升煎至一升去滓分作三服溫用一			
<small>洗</small>				
生薑	上乘于肺肺得水浮使氣不通流其脉沉大宜服之			
紫蘇葉	若病人不得卧卧則喘者喘者水氣逆			
<small>子或用</small>				
人參	欽定四庫全書			
桑白皮	普濟方			
<small>炒各半兩</small>				
米殼	右為細末每服四錢水煎臨卧服			
<small>二兩蜜炮黃色</small>				
麻黃				
桔梗				
五味子				
甘草				
<small>炙紫</small>				
參				
<small>兩各一</small>				
紫參湯散	治形寒飲冷傷肺喘促痰涎不得安			
<small>出拔萃方</small>				
卧				
下				
葛蒲				
欵冬花				
紫苑				
人參				
桂心				
<small>各等分</small>				
右為細末煉蜜和丸皂子大每服一丸煎糯米飲化				



右搗羅細每服二錢溫糯米粥飲調下每于食後服之	理氣丸 治氣不足動便喘促遠行久立皆不任汗出	鼻乾心下急痛苦悲傷睡卧不安	杏仁 <small>去皮尖 炒研別</small> 桂枝 <small>去皮 各一兩</small> 益智 <small>去皮 各二兩</small> 乾薑 <small>炮 各二兩</small>	右為末蜜丸如桐子大以鍾乳粉為衣每服三十丸	空心米湯送下	欽定四庫全書 普濟方	宣肺湯 <small>出百一 選方</small> 治喘	細辛 甘草 <small>各一兩</small> 防風 <small>二兩 去蘆</small> 麻黃 <small>四兩 不去根節</small>	右吹咀每服三錢水一盞半煎至七分去滓溫服	天南星散 <small>出本 事方</small> 定喘	南星 半夏 青皮 <small>並炒 令黃</small> 白礬 <small>煨 各等分</small>	右為末每服一錢好北棗去核入藥在內細嚼嚥下	治久患肺氣喘急至妙	用杏仁去皮尖二兩童子小便浸一日一換夏月一
-----------------------	-----------------------	---------------	---	----------------------	--------	---------------	------------------------------	--	---------------------	------------------------------	---	----------------------	-----------	----------------------



日三四換浸半月取焙乾研爛極細每服一棗大丸	
薄荷一葉蜜一雞頭大水一中盞同煎取七分食後	
溫服甚者不過一劑瘥永不發動忌腥	
棗杏丸	<small>一名大乾 棗三味丸</small> 治喘 <small>方見咳嗽門久咳 出仁存方</small>
大黃散	<small>出尉 後方</small> 治大熱行極及食熱餅竟欲飲水過多
衝咽不即消仍以氣呼吸喘息方瘥	
大黃	乾薑 巴菝 <small>各等分</small>
右為末每服半錢若得吐下即愈	
欽定四庫全書	
普濟方	
五礬散	治喘并痰嗽 <small>一名灸 肝散</small>
五倍子	白礬
右各等分為末和勻每服三錢以生豬肺火上炙熟	
蘸藥末細嚼喫食後服一方用生豬肝蘸藥亦可漢	
陽公庫兵黃六者舊苦此病百藥不效于岳陽路上	
遇一道人傳此方兩服病不復發	
杏仁散	治喘
馬兜鈴	<small>一兩 去皮尖炒</small>
杏仁	<small>一兩 去皮尖炒</small>



右為末每服三錢水一盞煎至七分去滓食後服之 定喘飲子	訶子肉 <small>三</small> 麻黃 <small>四兩</small> 去節 <small>不</small>	右為麤末每服四錢水二盞煎至一盞二分去滓入好臘茶一錢再同研至七分通口不拘時候臨卧服之尤佳立如神効老幼可服一方加人參二兩名訶參散本方只兩味	如神湯 治喘	欽定四庫全書 <small>普濟方</small>	茺根 <small>一握</small> 生剉臨時取生者妙 桑白皮	右等分用水一碗煎至八分一服即止甚者三服	竹葉橘皮湯 治大走馬及奔趨喘乏便飲冷水因得	上氣發熱方	竹葉 <small>三斤</small> 橘皮 <small>三兩</small>	右件藥以水一斗煮取三升濾去滓分為三服令三	日服一劑	神秘方 治喘
------------------------------	---	---	--------	---------------------------	-----------------------------------	---------------------	-----------------------	-------	---	----------------------	------	--------



右以猪爪甲二枚燒灰細研入麝香當門子一枚同研臘清茶調下
故錦散 治喘
右燒故錦一寸燒灰清茶調服神効
菰萋散治喘
右用菰萋二箇入明礬一塊如棗子大入菰萋內燒煨存性為末將蘿蔔爛煮蘸藥末服之汁過口藥盡病除
欽定四庫全書 普濟方
大黃散 治肺喘
右用川大黃為末以新水調下
踈鑿飲子 治下氣定喘導涎消腫
人參 木通 半夏 附子 <small>炮</small> 草薺仁 木瓜
秦艽 檳榔 杏仁 赤茯苓 <small>連皮</small> 橘紅 <small>各一兩</small> 厚朴
<small>一兩</small> 木香 <small>各半</small> 甘草
右咬咀每服半兩水一盞半生薑七片煎至八分去滓服不拘時



加減滲濕湯 出朱氏集驗方 先用靈砂合來復丹服若只丹

服靈砂則秘合則通次用後藥

嫩蒼朮 三錢炒 白朮 三錢 赤茯苓 四錢 丁香 縮砂仁

木瓜 神麩 綿薑 陳皮 草薺 厚朴 製炒各三

甘草 二錢半

右前呔咀薑棗煎 厲端明得喘疾醫下痰疎導之

藥引客邪腎經而兩足并外腎發腫有僧云此脾腎

虛用此則大小便自流利

欽定四庫全書

普濟方

妙方 出鮑氏方 治喘息諸方治不効者

代赭石 煨末一兩 牡蠣 粉一兩 皂角 去皮尖一兩 貝母 半兩

右為末每服二錢壅水入麻油一二點調下

葶藶丸 出本出方 定喘急肺積

苦葶藶 一兩 當歸 肉桂 白蒺藜 乾薑 川烏

頭 吳茱萸 鱉甲 大杏仁 茯苓 人參 各半

兩 檳榔 一兩

右為細末煑棗肉和杵如梧桐子大每服二三十丸



薑棗湯下日進三四服不拘時候

皺肺丸

貝母炒 知母 秦艽 阿膠炒 欵冬花 紫菀茸

百部去心 糯米炒各一兩 杏仁去皮尖別研四兩

右為末將羊肺一箇先以水灌洗看容得水多少即

以許水更添些煮杏仁令沸濾過灌入肺中繫定以

糯米泔煮熟研細成膏搜和前藥末杵數千下丸如

梧桐子大每服五十九丸食前桑白皮湯下

欽定四庫全書

普濟方

三分茶

出儒門事親

茶二錢 蜜二兩 蕎麥麪四兩

右以新水一大碗約打千餘數連飲之飲畢良久下

氣不可停人喘自止妙矣

葶藶散

出仁存方

治氣喘滿急腹脹不得卧

苦葶藶炒搗細一兩 桑白皮一兩 陳皮去白一兩

右為末每服三錢水一盞棗兒二箇煎至七分去滓

服之



人參胡桃湯

一名觀音散
出直指方

治胸滿喘急不能睡卧

見方

咳嗽門
痰嗽類

神應丹

出危氏方

治肺氣喘息晨夕不得睡卧不問久新

一服見効

砒石

一兩
六兩

右同煮以豆爛為度取出砒石入黃丹一兩同研爛

用紙做捲五七重如豆筒又入砒石黃丹以黃泥固

濟復燒紅為度又入黃丹一兩麪四分為丸如粟米

欽定四庫全書

普濟方

大又以黃丹二兩為衣每服二粒新井花水下得効

即止

真應散

出三因方

治遠年喘氣急不能眠卧百藥無効者

右白石英四通明者以生絹袋盛用雄猪肚一箇以

藥入線縫定煮熟取藥出再用猪肚一箇如前法煮

三煮了取藥出控乾研為末以官局欵冬花散二錢

更以桑白皮二寸生薑三片棗二箇水一盞半煎至

七分通口服猪肚亦可喫只不得用醬醋椒薑等調



和	治喘急妙方	北五味子 大甘草 <small>等分 為末</small>	右用生薑自然汁調安在手心喫	葶藶散 <small>出濟 生方</small> 治過食煎燂或飲酒過度致壅喘不得	卧及肺癰咽燥不渴濁唾腥臭	甜葶藶 <small>炒</small> 桔梗 <small>去 蘆</small> 藟藟子 川升麻 薏苡仁	桑白皮 <small>炙</small> 葛根 <small>各一 兩</small> 甘草 <small>炙半 兩</small>	欽定四庫全書 普濟方	右呔咀每服四錢水一盞半生薑五片煎至八分去滓食後溫服	瀉肺湯 <small>出御藥 院方</small> 治肺氣逆上甚	防己 陳皮 <small>湯浸 去穰</small> 桔梗 <small>去蘆 頭</small> 赤茯苓 杏仁 <small>湯浸 去皮</small>	尖生用 半兩 苦葶藶 <small>二錢 半</small>	右呔咀每服一錢水一盞半同煎至六分去滓食後溫服日進二錢或三服亦可	黃牛散 <small>出仁 存方</small> 治肺熱脉滑大氣急喘滿
---	-------	-----------------------------------	---------------	--	--------------	--	--	---------------	---------------------------	--------------------------------------	---	---------------------------------------	---------------------------------	---



大黃一兩 白牽牛二兩

右為末蜜水調二錢立止又用皂角膏為丸亦可

半夏湯出仁存方 治定喘下痰

半夏一兩 甘草三錢 皂角炙去皮子半兩

右咬咀每服三錢水一盞半生薑三片煎至七分去

滓食後溫服

治痰喘方出百一選方

右以胡桃肉三箇薑三片是夜服之湯嚥下即睡自

欽定四庫全書

普濟方

旦嗽上喘亦不作神驗如此未瘥再嚼胡桃并薑如

前數且飲湯勿行動就枕即愈

定喘化涎出肘後方

右用猪蹄甲四十九箇洗淨控乾每個指甲內半夏

白礬各一字入磁罐子內封閉勿令煙出火煨赤去

火細研入麝香一錢人有上氣咳嗽喘急用糯米飲

下小兒半錢至妙

芫花散出百一選方

治實喘肺氣脹喘急心胸滿若氣虛



而喘者不可服

芫花

不以多少醋浸一宿取出醋炒令黑焦為細末

大麥麩

一方作麩

右等分和拌極勻以濃煎柳枝酒調下立定一方不用酒水煎食後服之

葶藶湯

出朱氏集驗方

治肺壅氣喘急不得睡卧飲食不進

右用葶藶子三兩炒令黃搗為細末以水三升煮大棗三十枚得汁一升內藥中每服如棗大煎取七合頓服一方大人分三服小兒分四服

欽定四庫全書

普濟方

治氣喘痰盛

右以欖榔為末湯調下

木防己湯

出本草方

療人膈間肢滿其人喘滿心下痞堅

面鰲黑其脉沉緊得之數十日吐下即愈

用大防己二兩石膏二枚雞子大碎綿裹桂心二兩人參四兩四味以水六升煮取二升分再服虛者便愈實者三日復發汗至三日復不愈者宜去石膏加芒硝三合以水六升煮三味取二升去滓內芒硝分



再服微下利則愈禁生蔥孫思邈療遺溺小溲澁亦 用三物木防己湯	葶藶散 治上氣喘急遍身浮腫 <small>方見咳嗽門咳 嗽不得卧類</small>	四七湯 <small>出直 指方</small> 治驚憂氣逼上喘	半夏 <small>製二 兩半</small> 茯苓 <small>二 兩</small> 厚朴 <small>製一 兩半</small> 紫蘇葉 <small>一 兩</small>	右呶咀每服三錢半生薑七片棗二枚煎服	五味子湯 <small>出活 人書</small> 治喘促脉浮而厥者	五味子 <small>半 兩</small> 人參 麥門冬 杏仁 橘皮 <small>去 白</small> 生薑	欽定四庫全書 普濟方	錢 <small>各二 錢半</small> 棗兒 <small>三枚 破</small>	右呶咀以水二盞煎至一盞去滓分作二服用之	玉液散 <small>出指 南方</small> 治喘	團參 川芎 茯苓 官桂 知母 杏仁 葶	藜 柴胡 半夏 <small>各一 兩</small> 麻黃 石膏 橘皮 白	朮 <small>各一 兩</small> 訶子 羌活 秦艽 甘草 <small>各半 兩</small>	右為麤末每服五錢水二盞薑五片棗一枚煎一盞 去滓溫服
---------------------------------	---	--------------------------------------	--	-------------------	--	---	---------------	---	---------------------	---------------------------------	---------------------	--	---	------------------------------



平肺湯 出指
南方

天門冬 馬兜鈴 百部 各半
兩

右為麤末每服五錢水二盞煎至一盞去滓溫服

定喘餅子 出衛生
寶鑑方 累經神驗

芫花 醋浸一宿炒黃 桑白皮 炒 吳茱萸 炒 陳皮 去白已上
各一兩

白牽牛 半生半炒
取末二兩 馬兜鈴 一兩 寒食麪 三兩

右件五味先杵為末細入牽牛頭末共麪再拌勻羅

過滴水為丸如櫻桃大捏作餅子取熱灰半碗在鐺

欽定四庫全書

普濟方

內同餅子熱每服一餅嚼爛煎馬兜鈴湯下夜卧服

之如患人心頭快加上一餅至明微痢下神効婦人

有胎者不可服

平氣散 出衛生
寶鑑方 治盛則為喘己未歲初秋三日奉詔

至六盤山至八月中霖雨時承上命治不憐吉吳元

帥夫人年逾五十身體肥盛因過飲酒及鐘乳腹脹

喘滿聲聞舍外不得安卧大小便澁滯氣口脉大雨

倍于人迎關脉沉緩而有力予思霖雨之濕飲食之熱



濕熱大盛上攻于肺神氣躁亂故為喘滿邪氣盛則實實者宜下之故制平氣散以下

白牽牛 二兩半生半炒熟取用頭末 青皮 三錢去白 大黃 七錢 雞心檳

榔 三錢 陳皮 半兩去白

內經曰肺若氣上逆急食苦以泄之白牽牛苦寒瀉氣分濕熱上攻為喘故以為君陳皮苦溫體浮理其肺氣青皮苦辛散肺中滯氣為臣檳榔辛溫性沉重下痰降氣大黃苦寒蕩滌滿實故以為使

欽定四庫全書

普濟方

右為末每服三錢煎生薑湯一大盞調下無時一服減半再服喘愈止有胸膈不利煩熱口乾時時咳嗽以加減瀉白散主之

加減瀉白散 出衛生寶鑑方

桑白皮 一兩 地骨皮 五錢 知母 五錢去皮 青皮 二錢去白 陳皮 三錢

細黃芩 三錢 桔梗 五錢 甘草 炙三錢

右件剉如麻豆每服五秤水二大盞煎至一盞去滓食後溫服數服良愈華陀云盛則為喘減則為枯活



人書云發喘者氣有餘也凡看文字須要會得本意
盛而為喘者非肺氣盛也喘為氣有餘者亦非肺氣
有餘也氣盛當認作氣衰有餘當認作促肺氣果盛
又為有餘當清肅下行而不喘以其火入于肺衰而
不足為喘焉故言盛非言肺氣盛也言肺氣中之火
盛也言有餘者非言肺氣有餘也言肺中火有餘也
故瀉肺以苦寒之劑非瀉肺中之火實補肺氣用者
不可不知

欽定四庫全書

普濟方

蘇子降氣湯

出如
宜方

治喘虛陽上攻喘促

當歸

甘草

厚朴

製

前胡

各二
兩

陳皮

製

桂

各二
兩

蘇子

半夏

各五
兩

右咬咀薑棗煎

杏仁膏

治氣喘促浮腫小便澀

右用杏仁一兩去皮尖熬研和米煮粥極熱空心喫

二合

人參散

若猶覺停滯在心膈中不利者

方見咳嗽
門咳嗽上



氣唾膿
血類

獨聖散

又名必
効散

得効定喘

右用訶子大者為末每服一錢糯米飲調下

治卒上氣喘息鳴息便欲絕

用人參末服之日五六服

治喘殊妙

右用露蜂房一枚須取似盞大者燒灰存性入白丁

香七粒即雄雀糞每服一錢半濃煎人參湯調下立

欽定四庫全書

普濟方

止不拘時候

喘嗽

論

夫五臟者皆稟于肺若肺氣虛為風冷所乘使經絡否
澁氣不宣通則肺壅脹則氣逆則心胸滿塞故令咳嗽
喘急也夫肺為五臟六腑之華蓋主行氣于皮毛形寒
飲冷則傷于肺肺一受邪安能統攝諸氣氣亂胸中而
疾生焉重則為喘輕則為嗽喘之為病由痰實而氣不



散上激咽喉哮呷作聲咯不出嚔不下憧憧而急渴渴	
而數張口擡肩搖身輟肚嗽之為疾病由氣急而痰隨	
上浮風生喉靨淫淫如痒習習如硬涕唾稠濃聲音重	
濁甚則續續不已坐卧不安諸方定喘嗽皆以三物拗湯	
為主麻黃散冷杏仁下氣甘草和中故也九寶湯一方	
于中皆增六品深有理焉本草云麻黃久服令人虛患	
喘人無時而發此方中有肉桂實表不致亡陽薄荷桑	
皮清利膈道紫蘇陳皮大腹寬和氣宇造化精深政如	
欽定四庫全書	
普濟方	
千金方小續命湯用麻黃佐肉桂云久服不令人虛亦	
此意也	
方	
神効散 治老幼喘嗽神効	
杏仁 去皮尖炒 一兩半	甘草 炙 旋覆花 各三兩
白朮 蓮肉	白朮 蓮肉
射干 米泔浸 前胡 御米 各四兩	射干 米泔浸 前胡 御米 各四兩
心 去皮 射干 米泔浸	心 去皮 射干 米泔浸
川芎 各三兩	川芎 各三兩
人參 白茯苓 各四兩	人參 白茯苓 各四兩
神麴 炒 五兩	神麴 炒 五兩
桑白	桑白
乾葛 桔梗 各六兩	乾葛 桔梗 各六兩
皮 炒	皮 炒



<p>右為細末每服二錢水一盞生薑三片棗一個煎至七分食後溫服</p>	<p>知母茯苓湯 <small>出醫方大成</small> 治肺痿喘嗽否塞往來寒熱自汗 <small>方在肺臟門肺痿類</small></p>	<p>調降湯 <small>指出直指方</small> 治喘嗽</p>	<p>枳殼 <small>製一兩</small> 半夏 <small>製</small> 北梗 青皮 陳皮 真蘇子 檳榔 茯苓 葶藶 <small>隔紙炒</small> 木香 白豆蔻仁</p>	<p>縮砂仁 紫蘇葉 <small>各二錢半</small> 甘草 <small>炙三分</small></p>	<p>欽定四庫全書 普濟方</p>	<p>右剉散每服三錢薑五片食前服</p>	<p>神應丹 <small>出御藥院方</small> 治諸遠年喘嗽</p>	<p>麻黃 <small>一十斤</small> 走水洗淨去土爛搗用河水 <small>四担浸一宿砂鍋熬至二担去滓</small> 栝萋 <small>大者</small> 皂角 <small>二定去皮</small> 貝母 <small>炒去心</small> 桑白皮 <small>去土</small> 紫蘇子</p>	<p>欵冬花 桔梗 知母 <small>各二兩已上八味搗爛入</small> <small>澤澄取清汁</small> 白茯苓 <small>去皮</small> 阿膠 <small>杵碎炒為末秤入</small> 紫 <small>再熬成調膏</small> 菹 <small>土洗去</small> 天麻 人參 <small>去蘆三味為末各一兩</small></p>	<p>右件十四味以藥末搜和前膏杵熱為丸如小彈大</p>
-----------------------------------	--	--	--	--	------------------------------------	----------------------	---	--	--	-----------------------------



杏蘇飲 <small>指出直方</small> 治上氣喘嗽浮腫		右剉散治喘嗽每遇飲酒必發生薑桑白皮煎服効	薏苡仁 <small>兩各一</small>	山藥 <small>炮各二兩</small> 白扁豆 <small>製一兩半</small> 縮砂 <small>炒</small> 桔梗 <small>炒</small> 石蓮肉	陳皮 <small>半</small> 半夏 <small>人參</small> 白茯苓 <small>白朮</small> 甘草 <small>炙</small>	加味白朮散 <small>出危氏方</small>	右為粗末每服三錢生薑三片水煎六分食後溫服	欽定四庫全書 普濟方	粟殼 <small>蜜炒各七錢半</small> 甘草 <small>炙半兩</small>	陳皮 <small>兩一</small> 半夏 <small>洗七次</small> 苦梗 <small>炒</small> 薄荷 <small>各七錢</small> 紫蘇 <small>烏梅</small>	去核紫菀 <small>知母</small> 桑白皮 <small>蜜炒</small> 杏仁 <small>炒</small> 五味子 <small>罌</small>	平肺湯 <small>出簡易方</small> 治肺氣上壅喘嗽痰實寒熱往來咽乾 口燥	每服一丸溫薑汁化開臨卧飲之便去枕仰卧不許 久坐如不得睡乃藥之効也此治嗽較慢如治喘不 以新久如神服此藥三服後似見痢一般
---------------------------------------	--	----------------------	---------------------------	--	---	------------------------------	----------------------	-------------------	---	--	--	---	--



皮炙黃去 子	甘草炒	欵冬花	白礬	半兩	巴豆	七個	杏仁
棗	三個	去核紙裹巴	天南星	兩	炮	半夏	洗
小皂角							
八仙丸	治喘嗽神効						
右為末每服三錢薑五片紫蘇五葉食後煎服							
子炒	桑白皮炒	半夏製	枳殼製各	等分			
紫菀茸	北五味子	橘紅	杏仁	去皮尖	真蘇		
定肺湯	指出直	治上氣喘嗽					
去滓食後溫服							
欽定四庫全書							
普濟方							
右為末每服五錢水一大盞半生薑十片煎至八分							
皮炒	陳皮去	白朮	紫蘇葉	半夏	薑製各		
人參	桂皮去粗	甘草炙	木香	兩	各一	五味子	桑白
參蘇半夏湯	出御藥	治咳嗽痰涎咽膈不利喘滿氣					
不宣通							
右吹咀每服三錢薑五片煎服							
尖各一	陳皮	北梗	麻黃節	去	桑白皮	炒	阿膠
兩半							各炒
分三	紫菀	甘草	炒	各	一兩		



神効一方有生薑二斤煎服	右為細末淨磁盒子內盛每日如茶點服一料永除	兩各二	炒去皮尖 各五兩 人參 茯苓 貝母 桑白皮 知母	蛤蚧 <small>一對全者以河水浸五宿逐日換水淨浸去腥氣酥火炙香熟</small> 甘草 <small>炒</small> 杏仁 <small>紫</small>	嗽及肺壅咽燥	唾膿血滿面生瘡徧身黃腫悉皆治之亦治肺痿咳	人參蛤蚧散 <small>出濟生拔萃方</small> 治三二十年間肺氣上喘嗽咯	欽定四庫全書 普濟方	如龍眼大每服一丸臨卧細嚼生薑湯送下忌毒	右件除輕粉研為末用生薑葶薺自然汁合粉藥丸	尖各半兩 輕粉兩 淡豆豉 <small>四十粒</small> 馬兜鈴 <small>一兩</small>	蟬退 <small>一兩去頭足</small> 五靈脂 <small>半兩生</small> 砒 <small>半兩生用</small> 雄黃 <small>生</small> 杏仁 <small>去皮</small>	五靈蟬退丸 <small>出本</small> 治年久近日喘嗽	菜蘘汁下喘嗽細嚼燒蘿蔔栗子生薑湯下	右為細末醋糊為丸如梧桐子大每服二三十丸溫	三十五个 去皮尖炒
-------------	----------------------	-----	--	--	--------	----------------------	---	---------------	---------------------	----------------------	--	---	------------------------------------	-------------------	----------------------	--------------



紫蘇半夏湯 <small>院出御藥方</small> 治喘痰涎寒熱往來	右剉散每服三錢薑五片煎服腎水用青木香丸	夏 <small>製各</small> 麻黃 <small>去節</small> 甘草 <small>炒半</small>	葶藶 <small>微炒</small> 桑白皮 <small>炒</small> 北梗 <small>炒</small> 枳殼 <small>製</small> 紫蘇莖葉半	平肺湯 治肺與腎皆以至陰積水喘嘈咳嗽葢水乘之	右為末每服一錢水一盞生薑五片煎至七分食後溫服	欽定四庫全書 普濟方	欵冬花 人參 半夏 <small>姜製</small> 知母 貝母 甜葶藶 <small>炒</small> 御米殼 <small>蜜炒</small> 烏梅肉 <small>已上各等分</small>	欵花貝母散 治喘嗽虛弱病	薑汁送下食後臨服以青黛為衣	右為細末蜜煉為丸如□豆大每服一九菜葉裹溫	五靈脂 豆豉 <small>各半</small> 生杏仁 生半夏 <small>各四</small> 生巴	青金丹 治涎喘嗽胸脇刺痛久積痰飲痞塞噎悶
---	---------------------	---	---	------------------------	------------------------	---------------	--	--------------	---------------	----------------------	---	----------------------



或大便利後每服一丸	溫米飲下兩丸食前日進三服治帶下溫酒下兩丸	得利尤良或利後痛未止者每服一丸以為度止痢	腹急痛熱酒或熱醋少許化下兩丸無時未効再服	引子少炒或咽喉過熱即少少吸冷水解之如止心	咽喉微熱即効或飲子過多送藥在胃中即効少以	許化下一丸續後空嚥津三五次禁飲食少時須覺	右研勻鍊蜜為丸如梧桐子大食後溫薑汁一椀	欽定四庫全書	普濟方	薄荷葉 錢四 甘草 錢四 巴豆 錢四 五靈脂 盆硝 盆硝	兼婦人帶下病一切脇肋痛滿	神應丹 出宣 明論 治涎嗽喘滿上攻心腹卒痛及痢下血	滓取六分清汁食後臨卧熱服日進三次	右為粗末每服三錢水二盞生薑七片煎至一盞去	紫蘇葉 半夏 湯洗 七次 紫菀茸 五味子 陳皮 各半	桑白皮 炙一兩 杏仁 去皮尖熬炒 黃色一兩
-----------	----------------------	----------------------	----------------------	----------------------	----------------------	----------------------	---------------------	--------	-----	--	--------------	------------------------------	------------------	----------------------	-------------------------------	-----------------------------



理肺散 治喘嗽脇肋刺痛不得眠睡	杏仁 <small>去皮尖炒</small> 馬兜鈴 <small>炒</small> 漢防己 茯苓 陳皮 桔梗 <small>各一兩</small> 葶藶 <small>一分</small>
右為末每服三錢水一盞半生薑五片煎至七分和滓食後溫服	
沉香散 <small>出傳信通用方</small> 定喘治嗽	
好沉香 <small>半兩</small> 阿膠 <small>半兩蛤粉炒成珠子</small> 結實人參 <small>一兩</small> 桑白皮 <small>一椀</small> 兩 <small>微炒氣虛人減半</small> 陳皮 <small>半兩</small> 紫蘇 <small>半兩</small> 甘草 <small>一分</small>	
欽定四庫全書 普濟方	
右為細末每服二錢生薑三片水一大盞煎至七分去滓通口服元方只以棗湯調下	
硃砂丸 <small>出楊氏家藏方</small> 治老人小兒喘嗽□痰等症晝夜不得眠	
輕粉 雄黃 <small>另研各二錢</small> 桑白皮 半夏 <small>薑製</small> 欒金 甜葶藶 <small>隔紙炒各三錢</small>	
右為細末麪糊為丸如梧桐子大硃砂為衣每服六七丸食後睡時生薑湯下病大者三十九	



賺氣散 出御藥院方

治新久喘嗽不已

御米殼

用鹽鼓一兩沸湯浸一時許取浸御米殼一宿再用蜜水拌勻炒

人參 各一

兩杏仁

湯浸去皮尖

烏梅肉

三錢甘草

炒桔梗

各二兩半

右為末每服二錢水一盞煎至七分去滓稍熱服不

拘時

安肺散 治涎喘嗽日夜不止

欵冬花

五味子

烏梅肉

焙微黃

紫菀茸

各一兩

甘

草 炒半兩

御米殼

去蒂蜜炒四兩

欽定四庫全書

普濟方

右為細末每服二錢水一盞煎至七分去滓食後溫

服日進二服癆嗽加人參二錢

人參欵冬花散

出濟生拔萃方

治喘嗽久不已者咳謂無痰

而有聲肺氣傷而不清也嗽謂無聲而有痰脾濕動

而為痰也咳嗽謂有痰有聲也

人參

欵冬花

各半兩

知母

貝母

半夏

各三錢

御

米殼

二兩炒黃色

右為粗末每服五錢烏梅同煎臨卧服之



人參理肺散 <small>出醫方大成</small> 治喘嗽不止	麻黃 一兩 <small>炒</small> 去節 御米殼 三錢 <small>炒</small> 人參 兩 <small>炒</small> 當歸 兩 木香 兩
右為粗末每服四錢水煎服之	杏仁 二兩 <small>炒</small> 各一兩
玉液方 <small>出危氏方</small> 治久近喘嗽口乾作渴	苈蕪根 一兩 知母 一兩 <small>去心炒</small> 甘草 兩 <small>炙半</small> 人參 兩 <small>半</small>
右為末每服二錢先鎔下黃蠟二錢同入米飲調下 食後服	阿膠散 <small>出傳信通用方</small> 治一切咳嗽定喘補肺化痰
欽定四庫全書 普濟方	阿膠 一兩 <small>炒</small> 紫團參 一兩 <small>湯洗七遍同生薑</small> 半夏 兩 <small>揔作餅子</small> 煎黃半兩 甘草 半兩 <small>劉</small> 鱉甲 兩
右為細末每服二錢水一盞薑二片煎至七分通口 服如癆盛加薑白二寸同煎熱先嚼薑次呷藥	人參針頭丸 專治風飲喘嗽
巴豆 五個 <small>去皮</small> 半夏 五個 <small>研湯洗七次</small> 杏仁 五個 <small>去皮尖</small> 葶麻 五個 <small>去皮</small>	白礬 二錢



百部散	百部 欵冬花 麻黃 <small>節 去根</small> 杏仁 <small>去皮尖炒</small>
右為末每服一錢烏梅湯下臨卧服之	
安神散 <small>出宣明論</small>	御米殼 <small>炒蜜</small> 陳皮 <small>去白</small> 人參 甘草 <small>炙各一兩</small>
治遠年近日咳嗽不已	
右剉為散生薑三片煎食後臨卧服之	
清膈散 <small>出危氏方</small>	南星 <small>一兩</small> 鉛白霜 <small>少許</small> 桑白皮 <small>半一兩</small> 白附子 <small>五錢</small>
治喘嗽吐唾不利膈熱口中苦氣	
欽定四庫全書	普濟方
右剉散生薑三片煎食後臨卧服之	
知母丸	治一切遠年上氣喘嗽 <small>方見咳嗽門咳嗽不得卧類</small>
茶一錢再煎至七分食後溫服	
右為粗末每服三錢水一盞半煎至一盞去滓入好	
訶子散 <small>海上名方</small>	漢防己 <small>一兩</small> 麻黃 <small>去根節</small> 訶子 <small>炮</small> 杏仁 <small>熟炒去皮尖各半兩</small>
治喘嗽	
右為細末棗肉為丸針簽藥于燈焰上燎過青煙起	
吹息藥壘菜葉裹之漿水送下臨卧服之	



防己丸 <small>出宣 明論</small> 治肺不足喘嗽久不已者調理血氣清	服	右為末每服一錢水一盞薑三片煎至七分臨卧溫	天南星 <small>大者 二個</small> 蚌粉 甘草 <small>各等 分</small>	天南星散 <small>出本 事方</small> 治氣喘咳嗽	黑神丹 <small>一名青 金丹</small> 治氣喘咳嗽 <small>方見咳嗽門五 臟諸咳嗽類</small>	丸薑湯下	右為細末生薑汁糊為丸如梧桐子大每服三四十	欽定四庫全書 普濟方	白雲換肺丸 專治遠年近日喘嗽不止	款冬花 <small>一兩</small> 半夏 明礬 寒水石 <small>各二 兩</small>	服	右為末每服三錢水一盞半煎至七分去滓食後溫	馬兜鈴散 治喘嗽咯膿涎	馬兜鈴 <small>炒</small> 甘草 <small>炒</small> 百部 杏仁 <small>去皮尖炒 熟各一兩</small>	同煎米軟食後溫服	右為末入杏仁勻每服二錢水一盞半糯米二十粒
--	---	----------------------	--	---	--	------	----------------------	---------------	---------------------	--	---	----------------------	----------------	---	----------	----------------------



消化痰涎

防己 木香 各二錢
杏仁 三錢

右為末鍊蜜和丸如小豆大每服二十九煎桑白皮湯下如大便利加葶藶一兩食後服之

馬兜鈴湯 治喘嗽咽燥煩渴咳膿血腥臭

桔梗 三兩 甘草 炒一兩 馬兜鈴 炒二兩

右為末每服五錢水二盞糯米一合同煎至七分去滓溫服浮腫者加茯苓白朮各半兩

欽定四庫全書

普濟方

馬兜鈴散 出肘後方 治肺氣喘嗽

馬兜鈴 二兩 只用裏面子去殼 酥 半兩 入碗內拌和勻慢火炒乾 甘草 一兩

右為末每服一錢水一盞煎至六分溫呷或以藥末含嚥津亦得

大黃葶藶丸 出本事方 治氣喘咳嗽

大黃 炒半兩 葶藶子 一兩 洗淨瓦上炒

右為末鍊蜜為丸如梧桐子大每服五七丸桑白皮湯下



又方 <small>出本 事方</small>	草烏 <small>重 五錢</small> 麻黃 <small>重 三錢</small>	右為末每服三大錢蘿蔔一個同煮令熱只喫蘿蔔	妙 殭蠶湯 <small>出瑞 竹堂</small> 治嗽喘喉中如鋸不能睡卧	好茶末 <small>一兩</small> 白殭蠶 <small>一兩</small>	右為細末放碗內用盞蓋定傾沸湯一小盞臨卧再 添湯點服	欽定四庫全書 普濟方	治諸般嗽喘 <small>出傳信 適用方</small>	嬰粟殼 <small>十個大者用新瓦一片 細拍碎于瓦上炒黃</small> 大白梅 <small>五個湯浸 三五次去</small>	味 塩	右件用生薑五片棗二個水二盞煎至一盞去滓臨 卧服留滓天明再煎服之	治大人小兒喘嗽齁齕 <small>出經驗 良方</small>	右用糯米泔少許磨茶子滴入鼻中令吸入口服之 口橫咬竹管片時則口間與鼻中涎出如線當日即
--------------------------------	--	----------------------	---	--	------------------------------	---------------	----------------------------------	--	-----	------------------------------------	-------------------------------------	--



愈不過三二次絕其根源屢試驗

治遠年近日喘嗽

出本
事方

右用皂角不蛀者三大莖一味刮去黑皮刀切開去
子每子倉內入巴豆肉一粒合就麻皮縛定用生薑
自然汁和蜜塗令匝慢火炙又塗又炙以焦黃為度
擘開去巴豆不用以好明礬一兩枯過葶麻七個薑
汁和蜜塗炙前三味為末却以杏仁二兩去皮尖研
成膏却與前藥和勻每服一錢用柿子乾炙過候冷

欽定四庫全書

普濟方

點藥細嚼臨卧服忌熱毒魚鮓鮓油麪酒米醋煎
燂熱毒等物

神効散

一名神効湯
出危氏方

治一切喘嗽

右用不蛀大皂角一條作兩邊去子每孔入巴豆肉
一粒線繫定童子小便浸一宿火炙令焦黃去巴豆
不用或入一二粒亦不妨却以杏仁半夏各一合入
麻油內煎令拆裂為度同為細末每服一字乾柿點
藥細嚼或用白糖點喫亦可臨卧時服服了不可喫



<p>湯水一應物妙不可言</p>		<p>蛤蚧膏 <small>出御藥院方</small></p> <p>治遠年近日咳嗽上氣喘滿如神</p>		<p>蛤蚧 <small>一對用雌雄各半兩米泔</small></p> <p>刷洗淨二十遍酥炙黃色</p> <p>路參 <small>一兩</small></p> <p>紫菀茸 <small>半末</small></p>		<p>麻黃 <small>一斤</small></p> <p>艾葉</p> <p>槐角 <small>二味</small></p> <p>陳皮</p> <p>枇杷葉 <small>去毛</small></p>		<p>桑白皮</p> <p>甜葶藶</p> <p>欵冬花</p> <p>杏仁 <small>去皮</small></p> <p>薄荷葉</p>		<p>佛耳草</p> <p>五味子</p> <p>紫蘇葉</p> <p>皂角 <small>去皮</small></p> <p>貝母 <small>各半</small></p>		<p>兩</p>		<p>右件除蛤蚧路參外取十六味搗羅為粗末用河水</p>		<p>欽定四庫全書</p> <p>普濟方</p>		<p>三斗於鍋內慢火熬至一斗半搓揉勻濾去滓令極</p>		<p>細再用生絹袋濾過以文武火再熬成膏然後入蛤</p>		<p>蚧路參細末與膏和勻丸如彈子大每服一丸任意</p>		<p>湯磨下食後臨卧服之</p>		<p>馬兜鈴散 <small>出聖惠方</small></p> <p>治咳嗽喘急面目四肢浮腫</p>		<p>馬兜鈴 <small>一兩</small></p> <p>人參 <small>一兩</small></p> <p>蘆頭 <small>去</small></p> <p>貝母 <small>一兩</small></p> <p>甘草 <small>一兩</small></p>		<p>甜葶藶 <small>一兩</small></p> <p>炒紫色隔紙</p> <p>杏仁 <small>一兩</small></p> <p>雙仁炒微黃</p> <p>麻黃 <small>一兩</small></p> <p>根節去</p>		<p>知母 <small>一兩</small></p> <p>皂莢 <small>一兩</small></p> <p>酥炙黃去黑皮</p> <p>五靈脂 <small>一兩</small></p> <p>葳靈仙 <small>一兩</small></p> <p>桑</p>	
------------------	--	--	--	--	--	--	--	---	--	--	--	----------	--	-----------------------------	--	--------------------------	--	-----------------------------	--	-----------------------------	--	-----------------------------	--	------------------	--	--	--	---	--	---	--	--	--



人參清肺湯	治肺胃虛寒咳嗽喘急坐卧不安胸膈
宜服之	<small>方見咳嗽類</small>
百部丸	<small>出和濟方</small> 治肺氣不調咳嗽喘急胸膈煩悶唇乾
口燥面目浮腫咽嗑不利積久不瘥咯唾膿血者亦	
滓不計時溫服	
右為散每服五錢水一大盞生薑半分煎至五分去	
麻	<small>三分</small> 射干 <small>半兩</small> 枳殼 <small>一兩</small> 麩 <small>炒去穰</small>
胡	<small>三分</small> 桔梗 <small>一兩</small> 去蘆頭 甘草 <small>半兩</small> 炙 <small>微赤剉</small> 赤茯苓 <small>一兩</small> 川升
紫菀散	<small>出聖惠方</small> 治咳嗽喘急咽喉不利胸中似物妨塞
紫菀	<small>一兩</small> 去苗土 桑白皮 <small>一兩</small> 剉 欵冬花 <small>半兩</small> 葳靈仙 <small>半兩</small> 柴
天門冬丸	<small>一名調肺丸</small> 治肺臟客熱喘促咳嗽心神
煩悶	<small>方在肺臟門</small>
溫服不拘時	
右為散每服五錢以淡漿水一中盞煎至六分去滓	
白皮	<small>一兩</small> 欵冬花 <small>一兩</small> 陳橘皮 <small>一兩</small> 湯浸 黃明膠 <small>二兩</small> 搗碎
炒令	



噎悶脇肋脹滿迫塞短氣喜欲飲冷咽噫引痛及療
肺痿癆嗽唾血腥臭乾嘔煩熱聲音不出肌肉消瘦
倦怠減食

地骨皮 人參 甘草 阿膠炒 杏仁去皮尖 桑

白皮 知母 烏梅核 罌粟殼去蒂 桔梗去

右等分為散每服三錢水一盞半烏梅棗兒各一枚

同煎至一盞去滓食後臨卧加蜜半匙攪勻澄清吸

服効一方無桔梗

欽定四庫全書

普濟方

紫蘇子煎 治咳嗽喘急形體虛羸不思飲食

紫蘇子五合 生地黃汁一升 麥門冬五合 白前一兩 生薑

汁二合 貝母二兩 煨二兩 人參一兩 白蜜一升 杏仁五兩 湯

尖雙 仁麩 炒黃 研如 膏紫 菀二兩 去苗 土五 味子 兩一

右六味為末以諸藥入杏膏等同于銀鍋中攪勻以

慢火煎成膏于不津器中盛不計時候服一茶匙含

化嚥下津

桑白皮湯 治咳嗽胸滿氣急



<p>桑根白皮<small>剉</small> 紫蘇<small>連莖</small> 知母<small>焙</small> 貝母<small>去心</small> 欵冬花</p> <p>梗<small>去</small> 半夏<small>湯浸七遍焙乾</small> 五味子<small>各一兩</small> 厚朴<small>去粗皮生薑汁炙</small> 甘草</p>	<p>右搗篩每服三錢水一盞薑三片同煎至七分去滓</p>	<p>日三服溫服</p>	<p>紫菀湯 治咳嗽喘急胸腹脇肋脹悶痛疼</p>	<p>紫菀<small>去苗土</small> 桔梗<small>剉炒</small> 欵冬花<small>去梗</small> 枳殼<small>麸炒去穢</small> 陳皮</p> <p>赤茯苓<small>去黑皮</small> 赤芍藥 百合<small>各一兩</small> 大腹子</p>	<p>欵定四庫全書 普濟方</p>	<p>右搗篩每服三錢水一盞煎至七分去滓食後溫服</p>	<p>日進三服</p>	<p>人參紫菀湯 治肺氣不調咳嗽喘急胸膈煩悶痰涎</p>	<p>不利坐卧不安晝夜不止久不愈者以致形容瘦減</p> <p>力氣羸劣者並宜服之蘇司法再三禱之于滕舉二</p> <p>方</p> <p>人參 五味子 甘草 桂枝<small>各一分</small> 京紫菀 欵</p>
---	-----------------------------	--------------	--------------------------	---	-------------------	-----------------------------	-------------	------------------------------	--



冬花 杏仁 <small>各半兩</small> 縮砂仁 罌粟殼 <small>去頂穰用薑汁炒各一兩</small>	葶藶散治痰嗽喘急	葶藶 <small>半兩</small> 半夏 <small>半兩</small> 薑汁 <small>半兩</small> 巴豆 <small>四十九粒去殼同上</small>	右以前二味為細末每服一錢用薑汁蜜同調食前	嚥下	人參散 治諸咳嗽喘急語言不出年久者四五服日	近者三四服	欽定四庫全書 普濟方	加減三奇散 治咳嗽上氣痰涎喘促胸膈不利 <small>方見咳嗽</small>	<small>門 在前咳</small> 嗽上氣類	人參 知母 貝母 半夏 杏仁 <small>生用</small> 馬兜鈴 <small>十個</small>	麻黃 <small>不去節各半兩</small> 天僊藤 <small>二兩</small>	右為粗末每服三錢用烏梅一箇水二盞蜜一匙煎	至八分去滓食後溫服忌酒醋雞麪鹹酸生冷等物	人參定喘湯 治丈夫婦人遠年近日肺氣咳嗽氣急	喉中涎聲曾滿昏沉氣逆坐卧不安飲食不下及治
--	----------	---	----------------------	----	-----------------------	-------	------------	---	---------------------------	--	--	----------------------	----------------------	-----------------------	----------------------



肺感寒邪咳嗽聲重語音不出鼻塞頭昏並皆治之	人參 <small>片切</small> 麻黃 <small>去節</small> 甘草 <small>炙</small> 阿膠 <small>炒</small> 半夏 <small>麩</small> 桑白
皮 五味子 <small>各一兩半</small> 嬰粟殼 <small>蜜刷炙</small>	右為粗末入人參片拌勻每服三錢水一盞半入生
薑三片煎至七分去滓食後溫服又治小兒久病肺	氣喘急喉中涎聲胸膈不利嘔吐痰沫更量歲數加
減服之一方無桑白皮	辰砂利膈丸 治胸膈痞滿痰飲氣滯上焦窒塞肺氣
欽定四庫全書	普濟方
不利咳嗽喘滿嘔吐痰涎咽嗝不利風熱相搏頭目	昏痛精神困倦並皆治之
天南星 <small>炮</small> 白茯苓 乾生薑 生犀 <small>各二兩</small> 半夏 <small>半斤</small>	白礬 <small>半生半枯</small> 乾山藥 <small>各三兩</small> 皂角 <small>一斤去皮子絃水三升熬成膏</small>
右為細末用皂角膏子和丸如梧桐子大硃砂為衣	每服六十九丸至七十九丸食後生薑湯下
細辛五味湯 <small>一名小青龍湯</small> 治肺氣不利咳嗽喘急胸膈煩	悶痰盛涎多喉中有聲鼻塞清涕頭痛目眩肢體倦



皮 判一兩	微炒 瞿麥穗 兩一 甜葶藶 炒一兩 紫色 木通 判一兩 大腹	杏仁 雙仁 炒研如膏 桂心 兩一 馬兜鈴 兩一 枳殼 兩一	杏仁丸 治咳嗽喘急腹肋堅脹小便不利	溫服	右為散每服五錢水一盞生薑半分煎至五分去滓	赤剉 枳殼 黃去穰	炙微 赤剉 枳殼 黃去穰	馬兜鈴 兩一 桑白皮 剉一兩 川升麻 兩半 燈心 束三 甘草 分三	欽定四庫全書 普濟方	馬兜鈴散 治咳嗽喘急胸膈煩悶	八分如出汗連進二服通口溫服	右為末每服二錢生薑三片葱白二寸水一盞煎至	草 兩各一 白薑 兩半	人參 桔梗 白芷 麻黃 節去 乾葛 白朮 甘	疼憎寒壯熱四肢疼痛	人參潤肺湯 治肺氣迫促喘急咳嗽不已并傷寒頭	怠咽嗑不利嘔逆惡心 嗽不得卧類 方見咳嗽門喘
----------	--	---	----------------------	----	----------------------	-----------------	-----------------------	--	---------------	-------------------	---------------	----------------------	----------------------	---	-----------	--------------------------	------------------------------



右為末以杏仁膏入少許鍊蜜同和丸如梧桐子大 每服三十丸不計時候煎棗湯下	養肺丸 治脾胃呼吸風冷咳嗽上氣喘急語聲不出 喉中似噎	人參 <small>去蘆頭</small> 取淨 官桂 <small>去粗皮</small> 甘草 <small>炒</small> 五味子 乾薑	紫菀 <small>去土</small> 取淨 細辛 <small>去苗葉</small> 各一兩	右為細末鍊蜜和丸每兩作二十九丸每服一九綿子 裹口內含化隨津液下之食後服	欽定四庫全書 普濟方	麻黃散 治男婦久近肺氣咳嗽喘急上冲坐卧不安 痰涎壅塞咳唾稠粘手脚冷痺心脇疼脹兼傷風咳 嗽膈上不快	訶子皮 <small>去核</small> 欵冬花 <small>去梗</small> 甘草 <small>燻各五兩</small> 麻黃 <small>去根節</small> 肉桂 <small>六兩</small> 杏仁 <small>炒三兩</small>	右為末每服二錢水一盞入好茶一錢同煎八分食 後夜卧通口服之如夜半不能煎但以藥末入茶和 勻沸湯點或乾嚙亦得忌魚酒炙烤猪肉腥燥物
---------------------------------------	-------------------------------	---	---	--	---------------	--	---	---



研別	杏仁 <small>去皮尖 炒別研</small>	馬兜鈴 <small>蟬蛻 翅各一兩</small>	煨砒 <small>二錢</small>	定喘丹 治男女久患咳嗽肺氣喘促倚息不得睡卧齁	澤溫服不拘時候此方比三因多橘紅	右為呔咀每服四錢水盞半生薑五片煎至八分去	甘草 <small>炙半兩</small>	人參	桑白皮 <small>各半兩</small>	白朮 <small>二兩</small>	五味子 <small>半夏</small>	半夏 <small>湯洗七次</small>	白茯苓 <small>去皮</small>	橘紅 <small>各一兩</small>	欽定四庫全書	普濟方	腫脉來濡細	白朮湯 治五臟受濕咳嗽痰多上氣喘急身體痛	後煎人參桑白皮湯送下	右為末用熟棗肉為丸如梧桐子大每服四十九食	微炒木香	甜葶藶 <small>微炒上二味各半兩</small>	潞州人參 <small>二錢半</small>	蛤蚧 <small>一對酥炙黃</small>	白牽牛	苦葶藶 <small>一兩</small>	悶下焦不利腿膝微腫	紫團參丸 治肺氣有餘咳嗽喘急胸脇痞痛短氣噎
				紫團參丸 治肺氣有餘咳嗽喘急胸脇痞痛短氣噎	悶下焦不利腿膝微腫	潞州人參 <small>二錢半</small>	蛤蚧 <small>一對酥炙黃</small>	白牽牛	苦葶藶 <small>一兩</small>	微炒木香	甜葶藶 <small>微炒上二味各半兩</small>	右為末用熟棗肉為丸如梧桐子大每服四十九食	後煎人參桑白皮湯送下	白朮湯 治五臟受濕咳嗽痰多上氣喘急身體痛	腫脉來濡細	普濟方	欽定四庫全書	白朮 <small>二兩</small>	五味子 <small>半夏</small>	半夏 <small>湯洗七次</small>	白茯苓 <small>去皮</small>	橘紅 <small>各一兩</small>	甘草 <small>炙半兩</small>	人參	桑白皮 <small>各半兩</small>	右為呔咀每服四錢水盞半生薑五片煎至八分去	澤溫服不拘時候此方比三因多橘紅	定喘丹 治男女久患咳嗽肺氣喘促倚息不得睡卧齁



右為末蒸棗肉為丸如葵子大每服六七丸臨卧苦
茶清于冷送下忌熟物半日一名定喘瑞應丹

漢椒丸 治咳嗽喘急坐卧不得宜服

漢椒

一兩去目及閉口者炒出汗

猪牙皂角

一兩去黑皮酥炙黃去子

乾薑

三分 炮剉 甜葶藶 三分紙隔炒紫色

右為末用棗肉和丸如梧桐子大每服二十九丸不拘
時以桑白皮湯送下

三拗湯 治寒燠不常人多暴嗽咽痛聲啞鼻塞痰稠

欽定四庫全書

普濟方

喘急

麻黃

不去節

杏仁

不去皮尖

甘草

不炙各二兩

右以咀每服三錢薑五片煎七分去滓無時服有汗
即愈

團參散治肺氣不利咳嗽上喘

紫團參

款冬花

紫菀茸

已上各等分兩

右為末每服二錢水一盞烏梅一個煎至七分去滓
食後溫服



寧肺湯 治咳嗽喘急不問久新悉皆療治

嬰房

半兩去枝梗
剉蜜炒黃色

五味子

去枝梗
半兩

烏梅

去核
四兩

右為粗散每服四錢水一盞半薑三片煎至七分去

滓食後溫服

玉津丸 治久年喘急咳嗽欲死者

雄黃

雌黃

硫黃

信砒

各一錢

南星

七錢

右為末薑汁調攤盤內大皂角七八條燒烟覆盤其

上盤極熱烟盡冷取出丸如梧桐子大大人一服四

欽定四庫全書

普濟方

丸小兒一服一二丸含薑片津滿口去薑以津下藥

訖便睡神効

甜葶藶散 治咳嗽喘急方

甜葶藶

一兩隔紙
炒紫色

桑根白皮

一兩
剉

右為散每服二錢水一中盞入燈心一束大棗五枚

煎至六分去滓食後調下

人參方

一名人參散
出肘後方

治咳嗽上氣喘急嗽血吐血宜

服此藥



祛痰丸 <small>出瑞竹堂</small> 治風痰喘嗽	候服	右為末麪糊為丸每服五六十丸淡薑湯下不拘時	<small>即山果子又名侯棧此藥名楊氏家藏方橘核散內見</small> 真紫蘇子 蘿蔔子 麥蘗 糖毬子 <small>各四兩 並炒 去核</small>	末	白礬生薑皂角止取南星半夏剉焙同後藥同研為	已上六味一處用瓦罐以水浸過為度煮乾令透去	欽定四庫全書 普濟方	猪牙皂角 <small>四兩 剉碎 去皮尖剉碎</small> 皂角 <small>四兩 無虫蛀</small>	天南星 大半夏 <small>各不剉</small> 白明礬 生薑 <small>各半斤 洗淨切作片</small>	宜服之	肋滿脹咳嗽多痰鼻塞稠涕氣不升降胸膈痞結並	導痰丸 <small>出經驗良方</small> 治痰飲氣滯胸膈不利喘咳氣促脇	鮮醬麪等并勿過醉飽將息	初服便睡去枕仰卧只一服愈年深者再服忌腥鹹	右以人參好者搗為末每服三錢雞子清調之五更
-------------------------------------	----	----------------------	---	---	----------------------	----------------------	---------------	---	---	-----	----------------------	---	-------------	----------------------	----------------------



<p>人參 木香 天麻 白朮<small>煨</small> 茯苓 青皮<small>去穢</small> 陳皮<small>去白以上</small> 槐角子 半夏<small>各七錢半</small> 猪牙皂角<small>去皮</small></p>	<p>右為末生薑自然汁打糊為丸如梧桐子大每服五 七十丸食後臨卧溫酒送下薑湯亦可</p>	<p>人參半夏丸<small>出宣明論</small> 治一切痰飲喘嗽不已</p>	<p>白礬 天南星 半夏<small>各半兩</small> 甘草<small>二錢</small> 人參<small>二錢</small> 赤</p>	<p>小豆<small>四十粒</small> 杏仁<small>四十九粒</small> 猪牙皂角<small>一錢</small></p>	<p>欽定四庫全書 普濟方</p>	<p>右為末秫子三合醋一升熬粥和丸如梧桐子大每 服十五丸炒蘿蔔子湯臨卧送下</p>	<p>神御散<small>出百一選方</small> 治痰盛喘乏咳嗽不已</p>	<p>御米殼<small>出頂蒂蜜炙</small> 欵冬花<small>去枝</small> 佛耳草 甘草<small>炙</small></p>	<p>人參 陳皮<small>去白</small> 阿膠<small>蛤粉炒</small> 杏仁<small>去皮尖雙仁</small></p>	<p>右為末每服五錢水一盞半生薑三片肥烏梅一箇 拍碎煎至七分去滓溫服不拘時臨卧服尤妙</p>	<p>安神散 治痰涎喘嗽久不愈</p>
---	--	---	--	---	-------------------	--	--	--	---	---	---------------------



欵冬花 佛耳草 各三錢 鍾乳石 白礬 甘草 各生	分一	右為末每服二錢水一盞入蠟少許煎至七分和滓 溫服食後每日二錢	郁李仁丸 治水氣乘肺動痰作喘身體微腫 <small>嗽方見門咳</small>	<small>嗽面目浮腫類</small>	辰砂半夏丸 治大人小兒肺壅痰實咳嗽喘急胸膈 痞滿心忪煩悶痰涎不利呀呷有聲	欵定四庫全書 普濟方	半夏 <small>湯別</small> 葶蘆 <small>別</small> 杏仁 <small>去皮尖別</small> 五靈脂 硃砂 <small>別</small> 兩各一	右將五靈脂半夏為細末却入杏仁葶蘆硃砂末攪 勻生薑汁打糊為丸如梧桐子大每服二十九食後 蘿蔔湯下	葶蘆散 <small>出宣明論</small> 治肺氣喘滿痰嗽睡卧不安不思飲食	苦葶蘆 蛤蚧粉 <small>各三錢</small> 桑白皮 山梔子 人參	各五 分 荆介穗 薄荷葉 赤茯苓 桔梗 杏仁
--------------------------	----	----------------------------------	--	-----------------------	---	---------------	--	--	---	---------------------------------------	---------------------------



右為末每服三錢水一大盞生薑三片煎至六分去滓食後溫服	去皮 甘草 已上各半兩
參蘇溫肺湯 治形寒飲冷傷肺喘嗽煩心胸滿氣不得動暢	人參 紫蘇葉 甘草 各五錢 肉桂 五味子 木香 各四兩 陳皮 白朮 各六錢 半夏 姜製 白茯苓 去皮各半兩
桑白皮 兩一	欽定四庫全書 普濟方
右為麤末每服五錢水一盞半生薑三片煎至八分去滓大溫服食後如冬寒每服中加不去節麻黃半錢先洗去沫下諸藥	
九寶湯 出澹 察方 治老人小兒婦人室女素有喘疾過寒暄不常發則連綿不已喘嗽哮吼夜不得睡	麻黃 薄荷 陳皮 各一兩 官桂 紫蘇 杏仁 去皮
右咬咀每服三錢水一盞半生薑三片烏梅半箇煎	尖 桑白皮 甘草 大腹子 連皮各半兩



至六分去滓專心服餌其効甚著或入童子小便尤佳感冒鼻流清涕亦効病各有主對不可疑其發散耗氣之說惟虛勞自汗不當用之一方罌粟殼二箇去頂人參少許
救生丹 治大人小兒喘嗽其効如神
獬丹 馬牙硝 人言 <small>各一錢細研一各夜露七宿用</small> 甜葶藶 <small>紙隔</small>
<small>炒</small> 桑白皮 <small>半兩</small> 杏仁 <small>去皮尖半兩</small> 雞臙脰 <small>十個</small>
右為細末同煎三味和勻棗肉為丸如梧桐子大每服七丸臨卧清茶下
欽定四庫全書 普濟方
紅椒丸 <small>出危氏方</small> 治虛勞喘嗽眩暈
靈砂 <small>一兩</small> 人參 木香 大香附子 <small>淨杵</small> 大紅椒 <small>去合</small>
<small>口并子焙出汗各半兩</small>
右為末糕糊丸如麻子大每服二十九空心橘皮湯下
胡椒半夏丸 治虛寒喘嗽冷痰不止
半夏 乾薑 <small>各一兩</small> 胡椒 丁香 <small>各一分</small>



右為細末生薑自然汁煮薄糊為丸如梧桐子大每服三十丸細嚼乾柿湯食後送下	鍾乳丸 <small>出危氏方</small> 治喘嗽痰涎稠粘晝夜不止不得坐卧	遠年近日並皆治之	滑石 <small>半兩</small> 鍾乳粉 <small>見成者一兩</small> 南星 <small>炮切片生薑製</small>	右為末煮乾柿去蒂核搗細搜藥為丸如梧桐子大每服四十九丸薑棗煎湯下氣弱人更服養正丹	百花膏 <small>出濟生方</small> 治喘嗽不已或痰中有血	欽定四庫全書 普濟方	款冬花 百合 <small>蒸焙</small>	右等分為細末鍊蜜為丸如龍眼大每服一丸食後臨卧細嚼薑湯嚥下噲化尤佳	杏仁煎 <small>出濟生方</small> 治久患肺喘咳嗽不得已睡卧不得服之即愈	杏仁 <small>去皮尖</small> 胡桃肉	右等分為細末研成膏鍊蜜少許丸如彈子大每服一丸或二丸食後臨卧細嚼用薑湯嚥下人參湯亦
-----------------------------------	---	----------	--	---	------------------------------------	---------------	--------------------------	----------------------------------	--	---------------------------	--



可生薑煎服亦可

寧神散

一名寧肺散方見咳嗽門五臟諸咳嗽類

雌黃丸

出聖惠方

治咳嗽喘急

雌黃

一分雄黃一分杏仁七枚湯浸去皮尖雙仁炒微黃色

右為末以蟾酥為丸如粟米大以燈心煎湯每服三

五丸送下

治喘嗽上氣

華陀中藏經方

蒲葑葉治一切肺喘劇甚者効如神焙碾為末米飲

欽定四庫全書

普濟方

調服二錢匕併服取瘥氣味清香其實酸澁夏紅可

食核如棗核類山茱萸揀葉皆白者用江西謂之盧

都子

七七散

余居士選奇方

治喘嗽

長皂莢三條去黑皮破開兩邊去子一莢入巴豆十

粒一莢入半夏十粒一莢入杏仁十枚用生薑汁製

杏仁麻油製巴豆蜜製半夏右件一處火炙黃色碾

為細末每服用一字安在手掌中臨睡用生薑汁調



雄黃丸 <small>余居士選奇方</small> 治喘嗽	雄黃 雌黃 信 <small>各一錢</small> 巴豆 <small>五粒</small> 半夏 <small>半兩湯浸七次</small>	右搗末糊為丸如椒子大每服五丸臨睡茶清下忌熱物小兒加減與服之	四寶丸 <small>出仁存方</small> 治喘嗽化痰	知母 貝母 欵冬花 白礬 <small>枯</small>	右等分為末以稀糊丸如梧桐子大甑上蒸過每服	欽定四庫全書 普濟方	二十丸食後薑湯送下	千金丸 <small>出仁存方</small> 治證同前	南星 半夏 <small>各一兩</small> 白礬 <small>一兩半枯</small>	右以生瓜萋一個去子入藥在內濕紙裏煨熟取出為末再用生白礬一兩將瓜萋穰汁并瓜萋仁研細同丸如梧桐子大每服十五丸用淡薑湯下臨卧服之	一方 <small>出仁存方</small> 治喘嗽
-------------------------------------	---	-------------------------------	-------------------------------------	----------------------------------	----------------------	---------------	-----------	------------------------------------	---	---	----------------------------------



雄黃 雌黃 信石 黃丹

右等分用鯽魚一箇去腸肚洗淨量魚大小入藥在

內令滿以線縛定鹹溼固濟用炭三斤燒紅候冷取

出研細末浸蒸餅為丸菘豆大臨卧沙糖水下三五

丸小兒一二丸每夜只一服

化痰延壽丸

海岳居士秘方

治痰喘中滿咽喉作聲或中風

偏枯不能行步並宜服之

香附

四兩炒

南星

一兩炮

半夏

四兩漿水浸

枳殼

二兩麩炒去穰

白礬

欽定四庫全書

普濟方

半兩 黑牽牛

頭末四兩炒微黃

商陸

一兩

右為細末酒打麪糊為丸如梧桐子大每服五六十

丸生薑湯送下食遠臨卧服之嗽加人參一兩喘加

紫參一兩

甜葶藶丸

出聖惠方

治一切喘嗽不瘥

甜葶藶

一兩隔紙炒令紫色

人參

三分去蘆頭

赤茯苓

三分

蛤蚧

一對

頭尾全酥炙微黃

杏仁

一兩湯浸去皮尖雙仁炒

右為細末以棗肉和丸如梧桐子大每服三十九日



進三四服以粥飲下

控痰良方

出直指方

治喘嗽通用

獠丹

白礬

各二兩

右以錢王搏剉一大孔先入獠丹以白礬蓋頂用炭

一斤煨至火盡礬枯丹黑出火毒研細煮調麪和丸

如麻子大每服十五丸沸湯泡生薑汁送下諸頑痰

迷塞關竅不通聲音不出以三十九丸研末入全蝎少

許用自然薑汁下澄取清者調灌須臾吐痰立愈凡

欽定四庫全書

普濟方

喘促胸膈膨湃寸脉急數須從權吐之中滿內實而

喘者與解毒雄黃丸

二黃丸

衛生家寶方

治喘嗽哮呷氣急雌雄

雄黃

三錢

雌黃

三錢

信砒

一錢

馬兜鈴

三錢

杏仁

七粒去皮尖

右件研細將皂角五條不蛀者槌碎接取汁一盞熬

成膏子和藥安乳鉢內燒皂角烟熏過丸如蘿蔔子

大每服三丸臨卧齏水送下小兒一丸孕婦不可服

一夜只一服喘退不可服也



治感冒寒喘嗽久不瘥或身有煩熱其脉弦緊者

澹寮方

小柴胡湯加桑白皮北五味子薑棗煎服

治喘嗽

右用陳橘皮一兩水浸去穰細切用巴豆十粒去殼

同橘皮炒令十分赤色傾在桌子上揀去巴豆須淨

盡不用巴豆擣橘皮為末每服二錢水飲調下臨卧

時服遠年二三服或瀉一兩行不妨以溫粥補之忌

食毒物

欽定四庫全書

普濟方

哮

論

夫治哮□嗽者一名齧齧涎在咽喉間令人喘嗽不寧

甚者搖身滾肚上氣喘急頭汗身冷或時發作多由小

年冷水驚恐所致也

方

青金丹 治□

天南星 兩一
人參 半二錢
半夏 半一兩
款冬花 錢三
杏仁 兩二



產後嗽背髀疼痛甘草一寸黃蠟少許煎 黎嗽涕	加葱白同煎 血嗽連頓不住當歸生薑一方棗	調嚙下 勞嗽入秦艽末同煎 冷嗽天曉時嗽甚	不唾用茶半錢調 膈嗽咳出痰丸塊生薑自然汁	蚌粉煎 肺嗽上氣喘急入桑白皮煎 膽嗽令人	思飲食或惡心入薑三片煎 胃嗽吐通吐醞酸水	肝嗽眼中淚加烏梅一箇糯米十四粒煎 脾嗽不	卧後服 心嗽面赤或汗流加乾葛煎一方白芷	肝嗽眼中淚加烏梅一箇糯米十四粒煎 脾嗽不	思飲食或惡心入薑三片煎 胃嗽吐通吐醞酸水	蚌粉煎 肺嗽上氣喘急入桑白皮煎 膽嗽令人	不唾用茶半錢調 膈嗽咳出痰丸塊生薑自然汁	調嚙下 勞嗽入秦艽末同煎 冷嗽天曉時嗽甚	加葱白同煎 血嗽連頓不住當歸生薑一方棗	產後嗽背髀疼痛甘草一寸黃蠟少許煎 黎嗽涕
欽定四庫全書														
普濟方														
右為末每服一大錢水一盞隨病湯使煎至七分臨														
黃明膠散 <small>出本</small> 治十六般哮喘														
黃明膠 <small>一兩</small> 馬兜鈴仁 甘草 <small>各一兩</small> 半夏 <small>薑汁浸三日重</small>														
杏仁 <small>一兩</small> 人參 <small>半兩</small>														
尖 去皮 螺青 <small>半錢</small> 百藥煎 <small>二兩</small> 五味子 <small>五錢</small> 殭蠶 <small>二個</small> 白礬 <small>半錢</small>														
訶子 <small>五錢</small> 皂角 <small>一兩</small>														
右為細末薑汁糊為丸如梧桐子大每服二十九臨														
卧茶清送下忌生冷膩熱之物日三服														



<p>唾稠黏烏梅生薑煎 氣嗽吐痛脹滿青皮去白煎 熱嗽夜甚蜜一匙葱頭白煎 哮喘聲如拽鋸入 半夏二個煎 腎嗽時復三兩聲入黃耆白糖煎 已上十六件哮喘病依法煎服無不効驗</p>	<p>青金丹 <small>一名定喘 寧肺丸</small> 治齁嗽 <small>方見咳嗽 門久嗽類</small></p>	<p>內金丹 <small>出仁 存方</small> 治响喘</p>	<p>雞內金 <small>二十 一箇</small> 信石 <small>二錢 半</small> 黃丹 <small>半 兩</small></p>	<p>右各研細露星七宿再入白牽牛末半兩葶藶末半</p>	<p>欽定四庫全書 普濟方</p>	<p>兩半夏二錢半共為末蒸棗肉取膏為丸如麻子大</p>	<p>露星二宿硃砂為衣每服七丸臨卧冷清茶送下</p>	<p>金粟丹 <small>一名雄黃解毒丸 出經驗良方</small></p>	<p>雞冠雄黃 <small>研令極細</small> 鬱金 <small>各二錢 半</small> 巴豆 <small>十四粒去殼 膜壓令油盡</small></p>	<p>右為末醋煮麪糊為丸如粟大津唾嚥下或茶清下</p>	<p>大人十丸小兒量其大小與服見効</p>	<p>治遠年近日哮喘妙方 <small>出本 亭方</small></p>	<p>砒 <small>一錢</small> 麪 <small>一錢</small> 海螵蛸 <small>一錢</small></p>
--	---	-------------------------------------	--	-----------------------------	-------------------	-----------------------------	----------------------------	---	---	-----------------------------	-----------------------	---------------------------------------	--



右為末水調作餅子慢火炙黃再研令細每服一字
用井花水調一大鍾呷空心服良久吐出為度小兒
加減與之忌食毒物

紫金丹

出本
事方

治□喘

信石

一錢
半研淡鼓 一兩水潤去
皮研成膏

右以鼓丸如菘豆大每服七丸至十丸冷淡茶清下
臨卧只一服後不可喫一應湯水之類今以信八分
鼓一兩每服二十九一法二件成膏搽盥內艾熏入

欽定四庫全書

普濟方

生硃末丸有一夙疾婦人患十年遍求醫者皆不効
忽有一道人貨此藥漫贖一服是夜減半數服頓愈
遂多金丐得此方予屢用以救人特為神異

鬼哭丹

一名鼓破丸
出經驗良方

治齕齕亦能治瘡

白信石

一錢白砒霜者
良不用黑者

寒水石

四錢

右各研為細末取端午日三五家粽角極薄切用建
盞盛粽一過用寒水石鋪一過却信石鋪之如後用
粽角用前法鋪之如鋪盡仍將粽子蓋却用淡鼓冷



<p>水微浸取濃汁滴于盞內用乳搥搗鍊成丸取劑左 右心盛藥丸如大粟米大每服大人止服五丸五歲 後止三丸周歲已上止一丸瘧疾未發前五更東流 水化下 水鹵鹹籛燒灰調沸湯候冷吞下 食鹵 茶籛燒灰調沸湯冷下或冷蠟茶清下 老鹵用半 夏五粒生薑一大塊同搗自然汁吞下永遠不 發</p>
<p>古老飲 <small>出仁</small> 治魚哮喘 <input type="checkbox"/></p>
<p>欽定四庫全書 <small>普濟方</small></p>
<p>古老錢 白梅肉 <small>各七筒</small></p>
<p>右水一大盞浸二宿每服一茶脚許空心服良久吐 出惡物</p>
<p>鯽魚丸 <small>出家藏</small> 治肺經久受邪氣嗽喘急初發則寒 <small>經驗方</small></p>
<p>從背起冷如冰雪漸漸喘促氣不相續痰涎壅塞咯 吐不出坐卧不得莫可支吾兩肩聳豎曲背弩目困 憊欲絕宜服或未効再服即愈其効如神</p>
<p>右用鯽魚重一斤者不去鱗腸只于肚下近頭處開</p>



一孔入信石一塊重一錢令深入在內却以魚入竹筒內外用青蒿搗泥固濟候乾火煨竹筒通紅候冷出泥取魚去燒不過者研細入蚌粉三錢研得所丸如菘豆大硃砂為衣每服四丸或五六丸沙糖冷水下臨卧服之忌熱物一方喘正急時宜服不可多過丸數欲試此藥先用猪肺一枚吹脹入數粒于肺腕內頃刻漸痿方表其効

千金丸 治哮喘

欽定四庫全書

普濟方

响藥千兩金丸竒 神仙留與故人知 一兩雄

黃雞冠色 半兩明信煨如灰 一兩玄精龜背

樣 雌黃一兩最相宜 一兩鷺管如雪色 二

兩明霜火上飛 二兩蛤蚧巴豆炒 去了殼兒

六十枚 同炒去豆只用粉 荷葉乳為極細末

泥糕調糊莫令稀 丸如菘豆顆兒大 每服

七丸用冷釐 小兒服時歲加減 喫了忌酒三

日期 喉如拽鋸聲鳴響 審問莫與藥差池



此藥家傳百餘載 且莫輕傳寶秘之

紅散子 治諸呀呷有聲睡卧不得

右土硃不拘多少極為細末米醋調時時進一二服

治一切□□齁

右用處州磁器不以多少打碎碾為細末如齁發時

每用二三錢用手指頭點津液醮藥點舌上嚥下即

効

黑馬蹄香散 治哮喘

欽定四庫全書

普濟方

右用馬蹄香焙乾研為細末每服二三錢如正發時

用淡醋調不少時刻吐出痰涎為驗

馬屁勃丸 治哮喘

方見咳嗽
門久嗽類

白前方出肘後方 主久患呀呷咳嗽喉中作聲不得睡卧

右取白前搗為末溫酒調二錢服

治久哮喘

右用梧桐子一連紙包濕放在火煨取出安地上出

火氣為末空心井花水一盞送下痰出即愈



治哮喘嗽

右以大南星切作片香油煎至黑色研末睡覺細嚼
嚥茶清嗽口不語之

治吼喘咳嗽病脾胃寒不思飲食面色黃羸瘦古人名
為肺脹今人却做胸喉大黃黑白二牽牛等分修合
成就更加檳榔為末名為奪命因由冷漿調下便時
休免得胡針亂灸

治齁喘

出朱氏
集驗方

欽定四庫全書

普濟方

右用苦丁香三個為末水調細呷吐出稠痰即愈

治齁齁

永類
鈐方

白礬

半兩
煨

天南星

半兩
炒
至烟起

巴豆

半錢
去
皮油

甘遂

二錢
半末

右作末和勻每服大人一錢小兒半錢薑片夾嚼燈
心湯臨卧一服尋常華蓋散打和參蘇飲服婦人九
寶湯和清肺湯加芎歸煎服

察齁

出本
草方

右取榆白皮陰乾後焙杵為末每日朝夜用水五合



末二錢煎至如膠服瘥	治齁齧及吐風涎	右用石菖與甘草同煮服	治喉中呀呷有聲不絕	右以不蛀皂角燒灰存性碾細以生薑自然汁調一	錢許于掌中旋旋舌舐之	欽定四庫全書 普濟方	普濟方卷一百六十三
-----------	---------	------------	-----------	----------------------	------------	---------------	-----------

